

Ukununnga

Aningasaqarnermut Inuussutissarsiornermullu Ataatsimiititaliami ilaasortanut
Kommunalbestyrelsimut ilaasortanut

Nuuk, 22. november 2022

“Inissanik suliaq” aqutsinerlu pillugit allakkiaq

Siumup gruppiata inissiat 416-t aningaasaliisartunit namminersortunit inissianut tapiissutitalit pillugit suliaq, kommunip qullersaanit Borgmesterimit atorfilittanillu aalajangerneqartoq kiisalu iliuutsit eqqumiitsut allat oqaatigisallu pillugit suliat ima ilungersunartigisutut isigai, allaat maanna Siumup Borgmesterip atuuffimminit tunuarnissaa piumasaaqatigalugu. Borgmesteri tunuannigippat, Kommunit aqunneqarnerat pillugu inatsimmi § 23-mi nassuiarneqartut malillugit Borgmesterip kommunalbestyrelsimit tunuartinneqarnissaa Siumup piumasaraa.

Siumup gruppiata qinersinerup inernerata ataqqigamiuk, kommunalbestyrelsimi amerlanerussuteqartut borgmesterissamik piukkunnartumik nassaarnissaannik kaammattorumavai.

Siumup piumasaaqaataanut tunuliaqutaq tulliuuttuni borgmesterimik piginnaasakitsumik ersersitsisumik allaaserisami atuarneqarsinnaapput. Eqqaamassavarput Borgmesteritut atuuffiup pingaaruteqartorujussuunera, taannalu ilaatigut Kommunit aqunneqarnerat pillugu inatsimmi kapitali 3-mi ima nassuiarneqarpoq:

§ 19. *Borgmesterip kommunip ulluinnarni allaffissornikkut aqunneqarnera isumagissavaa, suliassat ataatsimiititalianut ataavartunut ingerlateqqittarlugit, kiisalu suliassat kommunalbestyrelsimit aalajangiiffigisariaqartut aalajangiiffigineqarnissaannut naammattumik qulaajarneqarsimanissaat isumagisarlugu. Borgmesterip suliat suliarineqarnerat nakkutigissavaa, pisariaqartumillu ilitersuusiornissat aaqgissuutissallugu.*

Imm. 2. Borgmesterip isumagissavaa aningaasartuuteqartoqaranilu isertitaqartoqassanngitsoq pisariaqartumik akuersissummik peqartoqartinnagu.

aamma

§ 21. *Kommunip pigisanik aalaakkaasunik pisineranut tunisineranut, taarsigassarsineranut aammalu qularnaveeqqusisutut imminut pisussanngortinneri pillugit pappiaqqat borgmesterimit imaluunniit borgmesterip tullianit aammalu inummit kommunalbestyrelsimit piginnaatinneqartumit atsiorneqartassapput.*

Borgmesteri pisussaaffimmik tassannga naammassinninnanilu kommunip aqutsiveqarfiani ileqqorineqartariaqartumik aqutsilluarnermik takutitsinngitsoq Siumut isumaqarpoq. Aalajangernissamut tunngavissiani uteqattaartumik Aningaasaqarnermut Inuussutissarsiornermullu Ataatsimiititaliap, kingorna Ataatsimiititaliatut taagorneqartup, suliat tusaatissatut tigussagai innersuussutigineqartuarpoq. Tamannali ingerlaannarsinnaajunnaarpoq.

Kommunalbestyrelsimi ilaasortat iliuuseqartariaqalerput, kommunit aqunneqarnerat pillugu inatsimmik, inissitsiterneq sioqqullugu pikkorissaatigisamillu malinnillutik eqqortumik aalajangerlutik. Tamanna kommunalbestyrelsimi ilaasortat pisussaaffigaat, aamma parteeqatigisaaq suleqatigisarluunniit pineqaraluarpat.

Kommunalbestyrelsip ulloq 4. maj 2021 inissitsiternerata kingorna borgmesteri suliani ilungersunartuni pingasuni naliliisinnaassutsumik tutsuiginanngitsumik ersersitsivoq, taakkulu

tamarmik borgmesteriunerata nalaani pipput. Ulloq 11. juni 2019 borgmesteriusimasup tunuassalluni nalunaarnerata kingorna ulloq 19. juni 2019 atuutilerpoq.

Allakkiaq una kommunalbestyrelsip nutaat ulloq 4. maj 2020 atuutilernerata kingorna inissiat pillugu suliat allaffissornikkut ingerlanneqarneranut tunnganeruvoq.

Tapiliut 1 – 10. juni 2021

Suliaq siulleg ulloq 10. juni 2021 Nunamut Namminermt Immikkoortorta qarfiup ulloq 2. juni 2021 isumaqatigiisummut tapiliussamut, 22. aamma 23. januar 2019-mi inuussutissarsiornikkut attartornermik isumaqatigiissutaareersumut tapiliuummut, uppersaatiniq qinnuteqarneratigut puttallarpoq. Tassani isumaqatigiisummut tapiliussap politikikkut akuerineqartussanngorlugu saqqummiunneqarsimaneranut uppersaasiisoqarnissaa kissaatigineqarpoq.

Isumaqatigiisummut tapiliut ulloq 18. marts 2020, politikikkut isummerfigineqarnani isumaqatigiissusiorfigineqarpoq, isumaqatigiisummullu quleriiaamik ilivitsumik inuussutissarsiornermilu atugassamik inimut tunngalluni. Isumaqatigiisummut tapiliut kommunip ulloq 12. februar 2020 Nunamut Namminermt Immikkoortorta qarfiup kommunip periutsiminik; attartortitassanik attartornissamik isumaqatigiissusiornissamik, tassanilu kommunip amigartooruteqarnermi qulanaaveeqqusiiiffigisaanik; erniinnarluinnartumik unitsitsinissamik piunaffigineqarnermik tigusaqarneranit qaammat ataasiinnaq qaangiuttoq isumaqatigiissutigineqarpoq. Kommunip peqquneqarnerata Borgmesteri mianersortilertussaagaluarpaa suliamillu sukumiinerusumik misissuilernermik aallartitsitillugu.

Kommunalbestyrelsip ulloq 5. marts 2020 ataatsimiinnerani matoqqasuni immikkoortoq 06A, inissianik attartornermik attartortitseqqinnermillu suliap ingerlaneraniq ilisimatitsissut oqaluuserineqarpoq. Kommuneqarfik Sermersuumut eqqartuussissuserisut siunnersuineri arlallit kiisalu Namminersorlutik Oqartussat eqqartuussissuserisuat, Kammeradvokat Poul Schmidt, "Kommunip inissianik attartortitassanik piffissami sivisuumi attartornera pillugu nassuiaat" ilangussatut ilaavoq.

Nassuiaat kingulleq atuaraanni Kommuninut Nakkutilliisoqarfiup kommunip ineqarnermut immikkoortumi periusaanik isorinninnera ulloq 9. november 2021-meersup taama ilungersunartiginera paasilluarsinnaavarput. Taamanikkut ulloq 5. marts 2020-mi ataatsimiinnermi Siumup gruppiata ikinnerussuteqarluni oqaaseqarnermini suliap tamarmi inatsiseqarnikkut qulaajaavigineqarnissaa piumasaraa, taamaalillunilu ilisimatitsissut tusaatissatut tigusagu. Kommunilbestyrelsimili amerlanerussuteqartut ilisimatitsissut tusaatissatut tiguaat.

Borgmesterip Naalagaaffiup eqqartuussissuserisuata nassuiaataa atuarsimasuuguniuk Kommuninut Nakkutilliisoqarfiup ulloq 9. november 2021 aalajangernerata taamarsuaq tupaallaatigisimassanngikkaluarppaa, taamatummi tusagassiutini qanittumi oqarmat.

Kommunalbestyrelsi taamanikkut piffissaagallartillugu iliuuseqarluarsimasuuguni, borgmesterilu, taamaalillunilu aamma allattoqarfik, Kommuninut Nakkutilliisoqarfiup peqqussutaanik malinninnissanik peqqullugu, taava kommunip isumaqatigiisummut tapiliussanik isumaqatigiissusiornissaq pisariaqartissimassanngikkaluarppaa, tamatumalu suliap tullianut ingerlateqqippaanga.

Tapiliut 2 – 24. juni 2021

Ataatsimiititaliaq ulloq 24. juni 2021 isumaqatigiisummut tapiliussamik allamik saqqummiivigineqarpoq, tassanilu Nunamut Namminermt Immikkoortup ulloq 14. maj 2019-mi allagaa innersuussutigineqarpoq. Tassa allagaq ukiut marluk sinnerlugit tamatuma siornali tiguneqarsimasoq. Ataatsimiititaliaq isumaqatigiisummut tapiliussa q pillugu suliaq matoqqasumik ataatsimiinnermi immikkoortoq 12-tut suliaaraa. Isumaqatigiisummut tapiliussa taanna inuussutissarsiornermi attartornermik isumaqatigiisummut ulloq 16. september 2016-mi isumaqatigiissutaasumut tunngavoq. Inuussutissarsiornermi attartornermik isumaqatigiissut

borgmesteriusimasumik kommunaldirektørímíllu atsiorneqarpoq, inissianullu 66-nut tunngalluni, tassa Tårn 1-mut.

Inuussutissarsiornermi attartornermik isumaqatigiissummut tapiliusaaq aamma inissianut 66-nut, Tårn 2-mut, tunngavoq kommuníllu atorfilittaani marlunnit ulloq 4. januar 2019-mi atsiorneqarluni. Taanna aamma politikikkut akuerineqartussanngorlugu saqqummiunneqarnikuunngilaq. Matumaníli ulloq 16. april 2020 atorfilittat marluinnaanngitsut, atorfilittalli pingasut borgmesteríllu Tårn 1-mik Tårn 2-míllu attartornerup Iserit A/S-mut nuussinermik isumaqatigiissummik atsiornerat assuarnartuuvoq. Tamannami borgmesterip immikkut eqqumaffiginiartussaagaluarpa, nuussinermi taanna Nunamut Namminermit Immikkoortortap ulloq 12. februar 2020 kommunip ineqarnermi immikkoortumi periusaanik erniinnaarluinnartumik unitsitsinissamik piunnaqarnerata kingorna pivoq.

Suliani taakkunani marlunni – 10. juni aamma 24. juni 2021-meersut – Kommuneqarfik Sermersuup Aningaasaqarnermit Inuussutissarsiornermíllu Ataatsimiititaliaanut innersuunneqartuni, ulloq 28. februar 2019 immikkoortoq 05L-mi kommunip pisinissamut pisinaatitaaffeqarluni attartugaasa Iserit A/S-mut nuunneqarnissaat aalajangiunneqarpoq. Aalajangernissamut tunngavissiami ilaatigut ima allassimasoqarpoq: "Attartortitsinermit isertitat attartornermit aningaasartuutinit minnerummata amigartooruteqartoqassaaq, taakkulu ingerlatseqatigiiffiup akilissavai, kommuniunngitsup" aalajangernissamíllu tunngavissiami tassani inatsisitigut tunngavinnik innersuussisoqarnanilu sinaakutissanut pappiaqqanut innersuussisoqanngilaq. Kommunalbestyrelsi ilisimatinneqarpoq, ilisimatitsisíllu kommunalbestyrelsip tusaatissatú tiguaa.

Ineqarnermit immikkoortumik ingerlatsinermik kukknersiúineq

Ataatsimiititaliap ulloq 24. juni 2021-mi ataatsimiinnerani Siumup inissianik 66-nik, Tårn 2, suliaq ilungersunartutú nalilerpa, suliarlu tusaatissatú tiguinnarsinnaanagu. Siumut illuatungíliuttutú eqqummaarissimannikkaluarpat, ilaatigut borgmesteri tamanut ammasumik ineqarnermit immikkoortumi ingerlatsinermik kukknersiúinermit aallartitsisoqarsimanerarlugu oqarsimanaviannikkaluarpoq. Aalajangerneq Ataatsimiititaliap ulloq 24. juni 2021 ataatsimiinnerani matoqqasuni immikkoortoq nr. 12-mi siviisumik oqalittoqareernerani pivoq, tassani amerlanerussuteqartut Siumup ineqarnermit immikkoortumi ingerlatsinermit kukknersiúinissamik akuersinnginnermíni, ataatsimiittarfiup silataani gruppimínnik ataatsimeeqateqaaqartariaqarsimapput. Siumup isaani Kommunalbestyrelsi píffissaagallartíllugu aalajangernissaa pineqarpoq, kammalaatersupíllunertummi písoqarsimánara malunnarsíartormat. Siumup ílanngíllugu kukknersiúisut allat sulíassamik tigusínissaat síunnersuutigíaluarpa, taamaalílluni suliaq ísínit allánit míssíorneqarsínnaaqqíllugu. Tamannali akuerineqanngílaq.

Ulloq 17. juni 2021 sulisoq píllugu suliaq

Ajoraluurtumik ínissanut 66-nut tapíliussamik isumaqatigiissummut Kommunalbestyrelsi akíssúsaasumik ínissínnaasímannílaq. Kommunalbestyrelsimi ulloq 17. juni 2021 ullormut oqaluuseríssatú matoqqasut marluk píllugít immikkut íttumik ataatsímíígiaqquneqarpoq, sulíap aappa sulísoqarnermit tunngavoq. Suliaq 10. juni 2021-mi qulerímmik ataatsímik ínuussutissarsiornermílu attartugaq píllugu isumaqatigiissummut tapíliusaaq tunúliaqutaralugu ílaatigut ínatsíleríníkkut ínerníliutígíneqartoq kíisalu aqutsínermit ínatsímí kíisalu kommunip nammineq aqutsínermit íleqqoreqqusaani § 6, ímm. 10 íma aalajangersagalík; *Ímm. 10. Ílluník písinerup, attartornerup, túnísinerup, íluarsartuínerup aníngaaaníllu taarsígassarsínermit sállunaveeqúsíínerup aqunneqarnerat ataatsímíítítap ísumagíssavaa* attartúkkamut sulíap atsiorneqanngínnemíni ataatsímíítítalíakkoortínnéaqqarsímassagaluartoq.

Ataatsímíínnemí atorfeqartítáanermut kíngúneqaatígítínnéaqtússanut ínatsílerítúut nállíínerat saqqummiunneqarpoq, naatsumík oqaatígalugu atorfilítítap tungavíusumík malítassámik saníqqútsínera qanoq kíngúneqartínnéaqtússanersóq. Períarfíssat assígínníngítú

taakkatorneqarlutillu atorfilittamik soraarsitsineq kommunimut qanoq akeqassanersoq saqqummiunneqarpoq. Borgmesteri atorfilittamut tunngatillugu atorfeqartitaanermut inatsisitigut iliuuseqarnissamut piginnaatinneqassasoq kommunalbestyrelsi aalajangerpoq.

Tamatuma saniatigut Siumut ikinnerussuteqarluni oqaaseqaateqarpoq, tassanilu Ataatsimiititaliap ulloq 24. juni 2021 nalinginnaasumik ataatsimiinnerata kingorna, suliami matumani politikikkut akisussaatisinissaq siunertaralugu kommunalbestyrelsip immikkut ittumik ataatsimiigiaqquneqarnissaa kissaatigineqarpoq. Amerlanerussuteqartut tassunga akerliupput.

Inissiat 66-t, Tårn 2, isumaqatigiisummut tapiliussamut suliap aatsaat ulloq 24. juni 2021 saqqummiunneqarnera isornartupilussuuvoq. Tassanimi aatsaat suliami ilisarnartoqarnera Siumup maluginialerpaa. Taamaammat ineqarnermut immikkoortumi ingerlatsinermit kukkunersiuisoqarnissaanik piunasaqarpugut. Taamaalineranili kommunalbestyrelsip immikkut ittumik ataatsimiinnera tunuliaqutaralugu borgmesteri suliunnaarnissaq pillugu isumaqatigiissusioreersimavoq. Periuuserineqartoq suliamilu tullerriaarnerit isornartotalerujussuupput, kommunalbestyrelsimi 24. junip kingorna suliamik ilisimatinneqarsimasuuguni atorfeqarnermut tunngasumik iliuuseqarnissamut piginnaatitsissummik tunisisimanaviangikkaluarpog, erngertumilli ineqarnermut immikkoortumi ingerlatsinermit kukkunersiuiinermik aallartitsillunilu soraarsitsisimassagalualuni. Atorfilittap sanioqutsisimanerata kinguneranik inatsisilerinikkut naliliineq allaanerusimassagalualartoq, suliunnaarnissamullu ajungitsorsiaqartitsinissaq akuerineqarsimanaviangikkaluartoq Siumut isumaqarpoq.

Taarsigassarsinissamut neriorsuut 20 mio. kr-nik aningaasartalik

Maannalu suliap pingajuannut Nakkutillisoqarfiup ulloq 9. november 2019-mi isorinnissutaannut ilaasinnaasumut. Ilaatigummi ima allassimasoqarpoq; *"Kommuneqarfik Sermersuumi borgmesterip pisuni pingasuni Aningaasaqarnermut Ataatsimiititaliaq akuersiteqqaarnagu inuussutissarsiornermi attartornermut isumaqatigiissunik atulersitsisimanera Nakkutillisoqarfiup isornartorujussuuartut isigaa."* (nammineq nutsigaa)

Suliapi tassani borgmesterip akisussaananermik ima tusaajumanngitsigaaq, allaat ulloq 21. oktober 2020 Iserit ineqarnermut suliniummi inissianik pisinissaanut taarsigassarsitsinissamut neriorsuummik atsiurluni. Inissiat taakku qanoq akeqarnerat, qanorlu amerlatiginerat pappiaqqami Borgmesterip atsiugaani erseqqissumilluunniit allassimanngilaq. Borgmesterilli taarsigassarsinissamut neriorsuutip Ataatsimiititaliamut politikikkut suliarineqarnissaa siunertaralugu saqqummiussinnginnera tamanit ajornersaavoq. Tamanna Kommunit aqunneqarnerat pillugu inatsimmi aalajangersakkanik kiisalu Kommuneqarfik Sermersuup nammineq aqutsinermit ileqqoreqqusaani § 6, imm. 10-mik sakkortuumik sanioqutsineruvoq. Naak ilungersunartumik sumiginnaasoqaraluartoq Ataatsimiititaliap ulloq 22. november ataatsimiinnerani immikkoortoq 2 pillugu aalajangernissamut tunngavissiami ilisimatinneqanngilagut. Piginnaatitsissutit unioqputinneqarpat, imaluunniit aqutsinermit inatsit aqutsinerimulluunniit ileqqoreqqusaq? Tamanna aalajangernissamut tunngavissiami takuneqarsinnaanngilaq. Tusagassiuutinili suliap politikikkut suliarineqartussanngortinneqarsimannginnera atuarparput.

Borgmesteri kommunit aqunneqarnerat pillugu inatsimmi § 19 naapertorlugu akisussaaffimminik eqqortitsinngilaq, taanna ilaatigut ima oqaasertaqarpoq: *"Borgmesterip kommunip ulluinnarni allaffissornikkut aqunneqarnera isumagissavaa, suliassat ataatsimiititalianut ataavartunut ingerlateqqittarlugit, kiisalu suliassat kommunalbestyrelsimit aalajangiiffigisariaqartut aalajangiiffigineqarnissaannut naammattumik qulaajarneqarsimanissaat isumagisarlugi."* Tamanna aalajangernissamut tunngavissiami tassani pisimanngilaq.

Akerlianik borgmesteri tallimanngornermi ulloq 19. november 2021 tusagassiuutini oqaaseqarnermini taarsigassarsinissamut neriorsuummik atsiornermi atorfilittamini kukkusumik ilisimatinneqarsimalluni oqaaseqarpoq, taannalu pillugu tusagassiorfimmit apeqquserneqarpoq. Tassani 20 mio. kr-nik taarsigassarsinneqarnissamut neriorsuummik atsiorsimanerminut akisussaaffik tamakkerlugu atorfilittamut tutsippaa, atorfilittaq taanna ulloq 17. juni 2021

isumaqatigiisummut tapiliussamut suliaq siulleq saqqummermat suliunnaarsinnissaanut piginnaatinneqarfigisaminut.

Tusagassiutini oqaatigisai

Akisussaaffimmik qimarratiginninniarneq taamaattoq Siumup toqqorteqataaffiginiangilaa. Borgmesteri tamanit iluarineqarnissani anguniarlugu suliamik ersarlussaarivoq. Taamaattoqarsinnaanngilarli.

Borgmesterip ulloq 19. juni 2019-milli borgmesteriusimanera taamaammallu kommunit aqunneqarnerat pillugu inatsimmut ileqqoreqqusanillu atuarnissamut piffissaqarluarsimanera eqqaamassavarput. Tassani borgmesterip suut isumannaagassarinerai erseqqissumik allasimapput.

Borgmesterittaaq suliniutinik arlalinnik aallartitsisimanerarluni saqqummenera isornartorujussuuvog. Ineqarnermut immikkoortumi ingerlatsinermik kukkuneruineramik suliaq aatsaat ulloq 24. juni 2021 ataatsimiinnermi sivisuumik oqallisereerluni pinera eqqaasitsisutigissavarput, tassanimi amerlanerussuteqartut inissiat 66-t pillugit isumaqatigiisummut tapiliussaq tusaatissatut tiguinnarusukkaluarpaat.

Ulloq 19. november 2021 Qanoruumi apersorneqarluni borgmesteri eqqortunik saqqummiivigineqarpoq, tassani borgmesteri ilaatigut piginnaatitsissutit agguarneqarnerat aasaq manna nutarterneqarsimanerarluarpaat.

Qanoruumi tusagassiortoq apersuinermini ima aperivoq: "Aningaasat 20 mio. kr. Aningaasaqarnermut ataatsimiititaliami akuerineqanngitsut aningaasarpassuupput. Aningaasat taamak amerlatigippata kukkunnginnissaq anguniarlugu qulakkeernissaa pisariaqarsimanngila?" Tassunga borgmesteri akivoq: "Soorunamili tamatigut pisariaqartuaannarpoq aningaasat sumut atornerqarnissaa qulakkiisallugu kisianni tassani oqarfigineqarnera soorunami tatigivara aammalu taanna allaavigalugu sulillunga, kisianni kukkussut ilinniutaavoq aammalu aasaarli torersaalluta aallartikkatta soorunami ukua namminersorlu (namminersorlutik oqartussat?) namminerisaminik sulisimapput taakkulu tunngavigalugit inatsisitigut atuutussanngortunut suliaqarnikuuvugut aqqinniarlugit kisianni ajoraluartumik taassuma kingorna paasivarput tatiginninnera innarlerneqarlunilu. Taamaattumik taassuma kingorna sukaterisorujussuuvugut aasaq mannali". Tusagassiortoq ima malitseqartitsilluni aperivoq: "Torersaanermik oqarputit suut torersarassigit?" Borgmesteri akivoq: "Soorlu assersuutigalugu Tilsynsråd-iminngaaniit tikkuartorneqartut aasaq allagarsiagut taakkua inatsisitigut atuutitsisanngorpagut ataatsimiititaliani forvaltning ilua ingerlatsiviup ilua tamaat misissuiffigalugit suliat suut ingerlappat...tassami torersaanerit aallartinnikuuvugut taavalu aamma oqaatigisinnaavara taassuma paasereernerat kingorna kikk... pisinnaatitsissut atsiorsinnaasullu taakkua ersarissarneqarnikuupput pisortanut tamanut aamma ingerlatsiviit iluanni taavalu aamma forvaltningsrevisioneqarnissaa boligområdet tamaat aamma aalajangiiffiginikuullutigu taamaattumik suli torersaavugut aamma neriuppugut soorunalmi ajortunik immaqaluunniit unioqqutinneqarsimasunik nassaaqqissanata kisianni maannamuugallaq tassunga killinnikuuvugut". Tusagassiortoq aperivoq: "KNR-mi apersorneqaravit ullumi oqarputit pisut taamak ittut pinnginnissaat qulakkeeriarlugu suleriuutsini allanngortitsisimallusi. Qanoruna allanngortitsisimasusi?" Borgmesteri akivoq: " Tassa oqaatigereerpara taakkua atsiorsinnaanermik pisinnaatitsissutit ersarissarnikuuvugut aamma sukaterfiginikuuvugut taavalu aamma kompetencefordelingsplaneqarpugut tassa kikkut kommunalbestyrelsi, ataatsimiititaliat, pisortat, ingerlatsiviit suut iluanni qanoq aalajangiisnaatitaappat taakkua nutarterinikuuvugut taavalu aamma (eh) soorunami uku kukkussutigineqarsimasut assigiinngitsut soraarsitsinermik assigiinngitsumik kinguneqarnikuupput taamaattumik sukaterinerit aamma takutippaa uani torersumik sulerusuppugut inatsisitigut unioqqutitsinngitsumik sulerusuppugut aammalu taanna ammasumik ingerlatsinissaq pinaqartillugu. Tusagassiortoq akissutinut qujavoq.

Borgmesterip apersorneqarnermini akissutigisai Siumut sakkortuumik isornartorsiussavai. Aningaasaqarnermut Inuusutissarsiornermullu Ataatsimiititaliap ulloq 20. maj 2021

kommunalbestyrelsillu ulloq 1. juni 2021 piginnaatitsissutip agguarneqarnissaanut pilersaarut akuerimmaguli taanna allanngortinneqanngilaq.

Siumulli grupperisimasaata ulloq 24. november 2020 ataatsimiinnermi immikkoortoq 04 D-mi piginnaatitsissutip agguarneqarnernissaanut pilersaarutip sukumiisumik nalilersorneqarnissaa piumasarimmagu oqaatigissavarput, atorfilittammi 10 mio. kr-it angullugit aningaasartalinneq aalajangiisinnaanermik annertuallaamik tunineqarmata.

Ataatsimiititaliami Siumup ilaasortaataa nutaat aamma apeqqut taanna Ataatsimiititaliap ulloq 20. maj 2021 siullermeerluni ataatsimiinnerani immikkoortoq 5-mi sooq allaffissornikkut sanaatornermi naatsorsuutit 10 mio. kr-t inorlugit nalillit akuerineqarsinnaanerit apeqquserpaa, isumarpummi naapertorlugi aningaasat pineqartut qaffasippallaarput. Sanaatornermi naatsorsuutit 10 mio. kr. sinnerlugit nalillit kommunalbestyrelsimi akuerineqartussaapput. Taamanikkut kommunaldirektøriusiq naatsorsuutit akuerineqartussat amerlavallaanerit pillugu takisoorujussuarmik nassuiaateqarpoq. Tassani taakku minnerpaamik Ataatsimiititaliamut saqqummiunneqqaartarnissat Siumup kissaatigigaluarpaa. Tamannali ilalerneqanngilaq.

Taamaamat piginnaatitsissutini agguaanermut pilersaarutip qanittumi allanngorsimanera pillugu oqaatigisat ilumoortuunngillat. Taamaattoqarsimappat borgmesteri maanna nassuiaasariaqarpoq.

Ajorpoq

Siumut maana akuersaarunnaarpoq. Borgmesterip aqutsinermik inatsimmik Kommuninik Nakkutilliisoqarfiup atuunneranik imaqarlunilu borgmesterip nammineq akisussaaffianik nassuiaasumik imaqartumik sumiginnaanera ajorpoq.

Borgmesterip Nakkutilliisoqarfiup sakkortuumik isorinninnera pillugu saqqummeqataartuanguarniarluni taakkuninnga iliuseqanngippallaanerit ajorpoq. Tamanna inuiaqatigiinnik inatsisunik toqqammaveqartunik sumiginnaaneruvoq.

Borgmesterip aqutsinermi pissuserissaannginnera aalajangererillu ilisimatinneqarluartumik toqqammaveqartussaanerannik qulakkeerinnittannginnera ajorpoq.

Borgmesterip maannakuinnaanngitsoq, arlaleriarlunilu kukkunerminut sulisorisanik pisuutitseqattaartuarnera ajorpoq, naak kommunit aqunneqarnerit pillugu inatsimmi nammineq akisussaasuuninni ilisimaarilluaraluarlugu.

Borgmesterip tamanut saqqummernermini utoqqatsertuarnera iliuitsiminillu eqqunngitsumik takutitsiniartuarnera ajorpoq.

Kommunalbestyrelsimut ilaasortat avammut kusanartumik kiinnertuarumallutik borgmesterip eqqunngitsuliaanik toqqorteriuarnera ajorpoq.

Aalajangernissamat tunngavissiat amigartuunerit, taakkulu aqutsilluarnermik toqqammaveqannginnerit ajorpoq.

Suliat aarlerinartut suli allat

Siumup suliani aarleqquteqarnini Kommunalbestyrelsimut anngukkusuppaa, borgmesterimi tatigiunnaarparput. Suliat taakku tassaapput aqqissuussineq avaqqullugu aningaasarsianik qaffaanerit, inuttassarsiuqqaanngivilluni atorfinitsitsinerit, sulisunik isorinnittunik nuutitsinerit qularnanngitsumillu suliat allat ilisimanngisavut. Tamakku atorfillit ilaasa pissaanerminnik atornerluisimanerannik atornerluinerannillu ilisarnaataapput. Tamakku unitsinneqartariaqarput saliisoqartariaqarporlu.

Siumup borgmesterip ineqarnermut suliassamat aqqissuusaanikkulluunniit salinissamat suliassamik annertuumi naammassinnissinnaanera tatiginngilaa, suliassanummi

kivitsisinnaanermi annertuumik amigaaqarpoq, tassalu ISORNAATSUUNEQ. Borgmeseri Kommuneqarfik Sermersuumi siuttuinnarsinaajunnaarpoq.

Borgmesteri nammineerluni tunuannigippat, § 23, immikkoortoq 2 naapertorlugu kommunalbestyrelsiq tunuartitsinissaa qinnutigaarput, taamaalillunilu amerlanerussuteqartut akunnerminni suliasamik kivitsillunilu saliinermut siulersuisinnaallunilu kommunalbestyrelsiq allaffeqarfimmik tatiginninneranik pilersitseqqissinnaasumik qinigassanngortitsinissaanik qinnuigissavagut. Naggataatigullu ineqarnermi ajornartorsiornermi ikiorsiineramik inatsisit periarfissaritaasa iluini suliniutinik aallartitsinissamik. Taakku saniatigut partiinit tamanit ilaasortaataqartumik politikikkut malinnaatitanik pilersitsisoqarnissaa Siumut piumasaqaatigaa, taakku ineqarnermut immikkoortumi ingerlatsinermit kukkunersiuinermit qanimut malittaassapput, tassani Iserimmut isumaqatigiissutigineqarsimasut ilanngullugit. Siumup ingerlatsinermit kukkunersiuinermit Nuuk City Development, tassanilu kommunaldirektørip siulersuisuni siulittaasuunerata nalaani suut isumaqatigiissutaasimanerat kiisalu taassuma Kommuneqarfik Sermersuumi pisortaanerujunnaarnerata kingorna nutaanik isumaqatigiissusiortoqarsimanera ilanngullugu misissorneqarnissaa kissaatigaa.

Kommuneqarfik Sermersuumi Siumup gruppia